

**DELTA KAPPA GAMMA**

**Félag kvenna í fræðslustörfum**

**Lög og reglugerð landssambandsins**

**Endurskoðuð útgáfa af lögum samþykkt á landssambandsþingi 2011  
og endurskoðuð útgáfa af reglugerð samþykkt á landssambandsþingi 2013**

# Lög Delta Kappa Gamma á Íslandi

## 1. lagagrein NAFN

Alþjóðasamtökin heita The Delta Kappa Gamma Society International. Landssambandið á Íslandi nefnist Delta Kappa Gamma – Félag kvenna í fræðslustörfum. Landssambandið gefur deildum heiti.

## 2. lagagrein STEFNA OG MARKMIÐ

Markmið landssambandsins og deilda innan þess er að vinna í anda þeirra markmiða sem Alþjóðasamtök DKG hafa sett sér. Landssambandið er tengiliður milli deilda og alþjóðasamtakanna.

### A. Stefnuyfirlýsing

Alþjóðasamtökin Delta Kappa Gamma stuðla að auknum fræðilegum og persónulegum þroska kvenna í fræðslustörfum og gæðum í menntun og uppeldisstörfum.

### B. Markmið

- Að efla tengsl kvenna sem vinna að mennta- og fræðslumálum víðs vegar í heiminum.
- Að heiðra konur sem standa eða hafa staðið framarlega á einhverju sviði menntamála eða eru að vinna markverð störf í þágu þeirra.
- Að efla starfsáhuga og stöðu kvenna í fræðslustörfum.
- Að stuðla að æskilegri lagasetningu og styðja hvers konar viðleitni til umbóta í menntamálum almennt og fyrir konur í fræðslustörfum.
- Að veita konum sem skara fram úr í menntamálum styrki til framhaldsnáms í háskóla og styrkja konur utan samtakanna sem vinna að fræðslustörfum.
- Að efla persónulegan og faglegan þroska félagskvenna og hvetja þær til virkni.
- Að fræða félagskonur um það sem er efst á baugi í efnahagsmálum, félagsmálum, stjórnámum og menntamálum og stuðla með því að vaxandi skilningi og virkri þátttöku þeirra í samfélagi þjóðanna.

## 3. lagagrein FÉLAGSKONUR

### A. Aðild

Konum er boðin þátttaka í Delta Kappa Gamma samtökunum. Þær sem teknar eru inn í samtökin hljóta réttindi sem félagskonur í deild, landssambandi og alþjóðasamtökunum.

### B. Félagskonur

- Virkar félagskonur eru konur sem starfa að menntamálum þegar þær eru teknar inn í samtökin eða konur sem hafa látið af störfum í menntageiranum. Virkar félagskonur skulu taka fullan þátt í störfum samtakanna.
- Aukafélagskonur eru konur sem áður hafa verið virkar félagskonur, en eru ófærar um að taka að fullu þátt í starfinu af heilsufarsástæðum og/eða vegna búsetu. Heimild til að gerast aukafélagskona er veitt með meirihluta atkvæða deildar. Aukafélagskona getur orðið virk félagskona að nýju án atkvæðagreiðslu.
- Heiðursfélagar eru konur sem ekki eru kjörgengar sem virkar félagskonur en hafa unnið markverð störf á sviði fræðslumála eða í þágu kvenna og er kosning þeirra í samtökin viðurkenning fyrir þau störf. Þeim er heimilt að taka þátt í allri starfsemi samtakanna en þær eru ekki kjörgengar í embætti.

### C. Kosning félagskvenna

- Kosið skal um inntöku nýrra félagskvenna á deildarfundi og ákveður hver deild hvernig kosningu skal hagað.
- Heiðursfélagar landssambandsins eru kosnir á þann hátt sem framkvæmdaráð ákveður.

### D. Flutningur milli deilda

Félagskonur geta flust milli deilda. Tilkynna skal flutninginn til aðalstöðva alþjóðasamtakanna.

### E. Missir félagsréttinda

Félagsréttindi í samtökunum glatast greiði félagskona ekki tilskilin gjöld, segi sig úr samtökunum eða látist.

### F. Inntaka félagskvenna að nýju

Veita má fyrrverandi félagskonu inngöngu að nýju í þá deild sem hún óskar eftir að gerast félagi í.

## 4. lagagrein FJÁRMÁL

### A. Árgjöld

Allar virkar félagskonur og aukafélagskonur greiða árgjald til deildar, landssambands og alþjóðasamtaka.

1. Gjaldið til alþjóðasamtakanna er ákveðið af framkvæmdaráði alþjóðasamtakanna og staðfest af alþjóðþingi.
2. Landssambandsgjald er ákveðið á landssambandsþingi sbr. reglugerð.
3. Gjald til deildar er ákveðið á aðalfundi deildar.

B. Inntökugjald er greitt fyrir hverja nýja félagskonu.

C. Landssambandið greiðir í eitt skipti fyrir öll sérstakt inntökugjald fyrir hvern heiðursfélaga við inntöku.

### D. Námsstyrkjagjald

Allar virkar félagskonur og aukafélagskonur greiða árlegt námsstyrkjagjald.

### E. Greiðsla gjalda

1. Árleg gjöld skal greiða fyrir 31. október ár hvert. Hafi félagskona ekki lokið greiðslum fyrir þann tíma fellur hún út af félagaskrá.
2. Inntökugjald og önnur gjöld þeirra sem teknar eru inn í félagið eftir 1. júlí og fyrir 1. apríl skulu greidd við inntöku. Sá hluti gjaldanna sem fara á til landssambands og alþjóðasamtaka skal sendur strax til gjaldkera landssambands.
3. Félagskonur sem teknar eru inn eftir 1. apríl og fyrir 1. júlí greiða aðeins inntökugjald. Sá hluti gjaldanna sem fara á til landssambands og alþjóðasamtakanna skal sendur strax til gjaldkera landssambands. Árgjald og námsstyrkjagjald næsta árs skal greitt eigi síðar en 31. október.

### F. Önnur gjöld

Önnur gjöld en að framan greinir má einungis deild leggja á félagskonur.

### G. Aðrar tekjur

Landssambandið getur tekið á móti gjöfum og framlögum í samræmi við ákvörðun landssambandsstjórnar.

### H. Sjóðir

#### 1. Félagssjóður

Félagssjóðir eru í landssambandi og deildum og skal gera fjárhagsáætlun yfir tekjur og gjöld.

#### 2. Stofnsjóður landssambandsins

- a) Landssambandið skal hafa og viðhalda föstum sjóði, stofnsjóði.
- b) Leggja skal til hliðar og ávaxta 25% af inntöku- og félagsgjöldum þar til sjóðurinn er a.m.k. 30% af árstekjum sambandsins. Þegar því marki er náð er framkvæmdaráði heimilt að minnka eða hætta framlögum til sjóðsins.
- c) Tekjur af stofnsjóði (vextir og arður m.a. af skuldabréfum) má að fenginni samþykkt framkvæmdaráðs leggja í félagssjóð sambandsins.

#### 3. Námsstyrkjasjóður

Til námsstyrkjasjóðs landssambandsins renna 80% námsstyrkjagjalds hverrar félagskonu (sbr. 4. gr. D), 20% námsstyrkjagjaldsins rennur til alþjóðasamtakanna. Framkvæmdaráð getur ákveðið að afla tekna í sjóðinn með öðru móti. Framkvæmdaráð landssambandsins hefur umráðarétt yfir sjóðnum. Úthlutanir úr námsstyrkjasjóði eru ætlaðar félagskonum.

Kjósi deild að hafa eigin námsstyrkjasjóð skal hún halda 60% af námsstyrkjagjaldinu sem innheimt er frá félögum. Landssambandið fær 40%. Heimilt er að afla sjóðnum tekna á annan hátt. Sjá enn fremur ákvæði í handbók alþjóðasamtakanna.

### I. Fjárhagsár og endurskoðun

1. Fjárhagsár landssambands og deilda er frá 1. júlí til 30. júní.
2. Fjárhagsáætlun félagssjóðs landssambandsins skal leggja fyrir stjórn og framkvæmdaráð til samþykktar.
3. Fjárhagsáætlun félagssjóðs deilda skal leggja fyrir stjórnir deilda til samþykktar.
4. Samþykki landssambandsforseta þarf fyrir útgjöldum sambandsins.
5. Endurskoðendur fara árlega yfir reikninga landssambandsins og það sama gildir um reikninga deilda.
6. Heimilt er að endurgreiða embættismönnum landssambandsins kostnað vegna þátttöku í viðburðum á vegum alþjóðasamtakanna.

## 5. lagagrein SKIPULAG

### A. Landssambandið

Landssambandið nær yfir landið allt og greinist í deildir. Landssambandið skal hafa lög og reglugerð sem eru í samræmi við lög alþjóðasamtakanna og gilda fyrir landssambandið og deildir þess.

### B. Deildir

- Stjórn landssambandsins skipuleggur nýjar deildir í samræmi við ákvæði í reglugerð. Hver deild skal hafa minnst 12 félagskonur. Alþjóðasamtökin leggja fram deildarstofnskrá.
- Stofnfélagar deildar eru þær konur sem verða fullgildar félagskonur á stofnfundi deildarinnar. Sérhver félagskona sem flytur félagsréttindi sín í nýja deild á stofnfundi hennar verður stofnfélagi í nýju deildinni.

## 6. lagagrein STJÓRN OG AÐRIR STARFSMENN

### A. Stjórn landssambands og deilda

#### Landssamband

Stjórn landssambandsins skipa forseti, 1. varaforseti, 2. varaforseti, ritari og meðstjórnandi, allir kosnir á landssambandsþingi. Gjaldkeri er valinn af framkvæmdaráði. Heimilt er að ráða framkvæmdastjóra og skal hann valinn af stjórn.

#### Deild

Stjórn deildar skipa formaður, varaformaður, ritari og meðstjórnandi, allir kosnir á aðalfundi. Gjaldkeri er valinn af stjórn.

### B. Störf og skyldur

#### Landssamband

##### 1. Forseti

Forseti landssambandsins fer með yfirstjórn sambandsins og stjórnar fundum framkvæmdaráðs og stjórnar. Hann situr í framkvæmdaráði alþjóðasamtakanna og kemur fram fyrir hönd landssambandsins út á við. Forseti skipar lögsögumann, nefndir og varamenn fyrir þá, sem forfallast, í samráði við stjórn. Hann annast ásamt stjórninni daglegan rekstur landssambandsins og sér um framkvæmd á ákvörðunum framkvæmdaráðs. Hann skal veita samþykki fyrir útgjöldum og útgáfu efnis á vegum landssambandsins. Forseti skal sitja með atkvæðisrétti í öllum nefndum nema uppstillingarnefnd.

##### 2. Varaforsetar

- Fyrsti varaforseti gegnir störfum forseta í forföllum hans svo og þeim störfum sem framkvæmdaráð eða forseti felur honum að annast á kjörtímabilinu.
- Annar varaforseti tekur við störfum annars varaforseta eða við störfum forseta ef báðir forfallast. Einnig gegnir hann störfum sem framkvæmdaráð eða forseti fela honum.

##### 3. Ritari

Ritari ritar fundargerðir stjórnar, framkvæmdaráðs og landssambandsþings. Hann annast einnig bréfaskriftir í samráði við forseta.

##### 4. Gjaldkeri

Gjaldkeri annast innheimtu, greiðslur og bókhald, heldur nákvæma reikninga, annast bankaviðskipti og varðveitir fylgiskjöl. Hann ávaxtar fé landssambands og gerir stjórn og framkvæmdaráði grein fyrir fjárhagsstöðu á fundum. Þá leggur hann fram endurskoðaða reikninga á aðalfundi. Gjaldkeri situr fundi framkvæmdaráðs án atkvæðisréttar ef honum er greitt fyrir störf sín. Gjaldkeri skal beita viðeigandi starfsháttum til að tryggja öryggi í meðferð og ráðstöfun fjár landssambandsins í samræmi við samþykktir þar að lútandi.

##### 5. Lögsögumaður

Lögsögumaður er ráðgefandi fyrir stjórn, framkvæmdaráð og laganeftnd um lög samtakanna og túlkun þeirra. Hann situr fundi framkvæmdaráðs og stjórnar án atkvæðisréttar. Forseti skipar lögsögumann.

##### 6. Endurskoðendur

Tveir endurskoðendur reikninga skulu kosnir á landssambandsþingi.

##### 7. Vefstjóri

Forseti skipar vefstjóra sem sér um heimasíðu landssambandsins í samstarfi við samskipta- og útgáfunefnd.

#### Deild

##### 1. Formaður

Formaður deildar stjórnar fundum. Hann situr í framkvæmdaráði landssambandsins og kemur fram fyrir hönd deildarinnar út á við. Formaður skipar nefndir í samráði við stjórn. Hann annast ásamt stjórninni daglegan rekstur deildarinnar og sér um framkvæmd á ákvörðunum stjórnar. Hann skal veita samþykki fyrir útgjöldum

- og hefur eftirlit með fjármálum.
2. **Varaformaður**  
Varaformaður gegnir störfum formanns í forföllum hans svo og þeim störfum sem stjórn eða formaður fela honum að annast á kjörtímabilinu.
  3. **Ritari**  
Ritari ritar fundargerðir stjórnar og funda í deildinni. Hann annast einnig bréfaskriftir í samráði við formann.
  4. **Gjaldkeri**  
Gjaldkeri annast innheimtu, greiðslur og bókhald, gerir fjárhagsáætlun, heldur nákvæma reikninga, annast bankaviðskipti og varðveitir fylgiskjöl. Hann ávaxtar fé deildar og gerir stjórn grein fyrir fjárhagsstöðu á fundum. Þá leggur hann fram endurskoðaða reikninga á aðalfundi. Gjaldkeri skal beita viðeigandi starfsháttum til að tryggja öryggi í meðferð og ráðstöfun fjár deildarinnar í samræmi við samþykktir þar að lútandi.
  5. **Vefstjóri.**  
Stjórnin tilnefnir vefstjóra sem annast heimasíðu deildarinnar í samráði við vefstjóra og stjórn landssambandsins.
- C. Kosning og kjörtímabil**
1. **Landssamband**
    - a) Embættismenn, nema gjaldkeri, skulu kjörnir á landssambandsþingi á hverju oddatöluári.
    - b) Kosning skal fara fram samkvæmt ákvæðum í reglugerð
    - c) Kjörtímabil er tvö ár eða þar til eftirmaður hefur verið fundinn og enginn má gegna sama embætti lengur en tvö kjörtímabil í senn, að gjaldkera undanskildum. Embættismenn taka við störfum 1. júlí, þeim næsta á eftir kosningu þeirra.
    - d) Framkvæmdaráð velur gjaldkera.
  2. **Deild**
    - a) Embættismenn deildar, nema gjaldkeri, eru kosnir á aðalfundi hvert ár þegar ártalið er jöfn tala. Meirihluti greiddra atkvæða ræður kosningu.
    - b) Kjörtímabil er tvö ár eða þar til eftirmaður hefur verið fundinn. Enginn má gegna sama embætti lengur en tvö kjörtímabil í senn, að gjaldkera undanskildum.
    - c) Stjórn deildar velur gjaldkera til tveggja ára.

## 7. lagagrein FRAMKVÆMDARÁÐ

- A. Landssamband**
1. Framkvæmdaráð skipa: Stjórn landssambandsins, fráfarandi forseti þess og formenn deilda. Gjaldkeri og lögsögumaður eiga einnig sæti í ráðinu en án atkvæðisréttar.
  2. **Framkvæmdaráð skal:**
    - a) gera tillögur um verkefni og framkvæmd þeirra og leggja fyrir landssambandsþing eða deildir til athugunar,
    - b) taka afstöðu til fjárhagsáætlana og hafa eftirlit með fjárreiðum sambandsins,
    - c) samþykkja fjárhagsáætlun landssambandsins ár hvert.
    - d) velja gjaldkera og annað starfslið ef þess gerist þörf,
    - e) ákveða stað og stund landssambandsþings,
    - f) afgreiða mál sem ekki geta beðið til næsta landssambandsþings.
  3. **Fundir framkvæmdaráðs**
    - a) Framkvæmdaráð skal halda a.m.k. einn fund á ári. Forseti getur boðað til aukafunda.
    - b) Geti formaður deildar ekki sótt framkvæmdaráðsfund er honum heimilt að senda staðgengil sinn sem nýtur fullra réttinda.
    - c) Mál telst því aðeins samþykkt að það hljóti atkvæði meirihluta allra atkvæðisbærra manna í ráðinu.
  4. Kjörnir stjórnarmenn annast, fyrir hönd framkvæmdaráðs, afgreiðslu mála milli funda framkvæmdaráðs.
  5. Framkvæmdaráði er heimilt að afgreiða mál bréflaga, með tölvupósti eða símleiðis ef bráð nauðsyn krefur. Halda skal skrá yfir slíkar afgreiðslur.

## 8. lagagrein NEFNDIR

- A. Um nefndir**
1. Fastanefndir landssambands og deilda skulu sinna skyldum sínum í samræmi við lög og reglugerðir alþjóðasamtakanna.

2. Stofna má til vinnunefnda á vegum landssambands og deilda.
3. Skýrslur um störf fastanefnda skal skrá á þar til gerð eyðublöð og senda alþjóðasamtökunum.
4. Ef þörf er skyndiákvörðunar í nefnd, má afgreiða málið bréflaga, með tölvupósti eða símleiðis svo fremi allir nefndarmenn séu látnir vita. Slíkar ákvarðanir skulu skráðar. Meirihluti nefndar þarf að samþykka ákvörðun.

#### **B. Fastanefndir**

Landssambandið skal starfrækja eftirtaldar fastanefndir:

- a) Laganefnd
- b) Félaga- og útbreiðslunefnd
- c) Menntamálanefnd
- d) Námsstyrkjaneftnd
- e) Samskipta- og útgáfunefnd
- f) Uppstillingarneftnd

#### **C. Vinnunefndir**

Heimilt er að stofna vinnunefndir fyrir einstök verkefni samkvæmt ákvæðum í reglugerð.

#### **D. Skipan og hlutverk**

Í reglugerð og handbók landssambandsins er kveðið á um skipan og hlutverk fastanefnda.

### **9. lagagrein ÞING OG FUNDIR**

#### **1. Landssamband**

- a) Halda skal landssambandsþing á hverju oddatöluári. Fundarstaður og fundartími skulu ákveðnir af framkvæmdaráði. Heimilt er að halda aukáþing á milli lögbundinna þinga telji framkvæmdaráð ástæðu til.
- b) Á þinginu ræður meirihluti greiddra atkvæða þeirra sem skráðir eru þátttakendur.
- c) Allar félagskonur sem sækja landssambandsþing mega bera upp tillögur, taka þátt í umræðum og greiða atkvæði.

#### **2. Deild**

Deild skal halda reglulega fundi eigi sjaldnar en fjórum sinnum á ári.

### **10. lagagrein LAGABREYTINGAR**

1. Lög landssambandsins skulu endurskoðuð í hvert sinn sem breytingar eru gerðar á lögum alþjóðasamtakanna. Breytingar á lögum landssambandsins skulu kynntar á landssambandsþingi og vera aðgengilegar félagskonum á vef landssambandsins.
2. Tillögur að reglugerð og reglugerðarbreytingum skal senda laganefnd til athugunar a.m.k. 90 dögum fyrir landssambandsþing og gerir hún tillögur til landssambandsstjórnar a.m.k. 60 dögum fyrir landssambandsþing.
3. Landssambandsþing tekur ákvarðanir um breytingar á reglugerð. Við afgreiðslu á landssambandsþingi þurfa reglugerðartillögur að hljóta 2/3 greiddra atkvæða þeirra sem skráðir eru á landssambandsþingið.
4. Tillögur til breytinga á lögum alþjóðasamtakanna getur sérhver félagskona, nefnd, stjórn deildar eða landssamband sent formanni laganefndar landssambandsins. Laganefnd fjallar um tillögur sem henni berast og sendir þær landssambandsstjórn til afgreiðslu áður en þær eru lagðar fyrir alþjóðáþing samtakanna.

### **11. lagagrein FÉLAGSSLIT**

- A Félagsslit landssambandsins eru í samræmi við landslög og samkvæmt ákvæðum í handbók alþjóðasamtakanna.
- B Ef leggja á niður deild, þarf stjórn landssambandsins að taka ákvörðun um það í samráði við framkvæmdaráð. Ef félagskonur í þeirri deild óska eftir að vera áfram í samtökunum, þarf að tryggja að þær geti gerst félagar í annarri deild. Sjóðir deildarinnar renna í félagssjóð landssambandsins. Gögn og eigur deildarinnar fara í vörslu landssambandsins. Stofnskráin fer til landssambandsins og þaðan til höfuðstöðva samtakanna. Nánari útfærsla er í reglugerð og handbók landssambandsins.

### **12. lagagrein REGLUGERÐ**

Landssambandið skal setja í reglugerð ákvæði um starfsreglur og mega þær hvorki stangast á við lög né aðrar gildandi reglur alþjóðasamtakanna.

## Reglugerð

### 1. gr. (3. lagagrein) FÉLAGSKONUR

- A. Aðild**  
Konur sem teknar eru inn í samtökin hljóta félagsréttindi í samræmi við ákvæði í lögum og reglugerð samtakanna.
- B. Félagskonur**
7. Virk félagskona er sú sem hefur hlotið inngöngu í deild samtakanna í samræmi við 3. gr. laganna kafla B1 og C1.
8. Aukafélagskonur skv. 3. gr. laganna, kafla B2, geta sótt fundi og tekið þátt í allri starfsemi deilda annarri en að gegna embættum eftir því sem aðstæður þeirra leyfa.
3. Heiðursfélagar eru konur sem eru ekki eða hafa verið virkar félagskonur í samtökunum en hafa unnið mikilvæg störf á sviði fræðslumála.
- C. Kosning félagskvenna**  
Deildarfundur skal ræða fjölgun félagskvenna og fyrir hvaða svið fræðslumála vanti einna helst fulltrúa, þannig að sem mest breidd sé í bakgrunni deildarkvenna. Félagskonur í deild gera tillögur til stjórnar um hvaða konum þær mæla með í deildina. Stjórnin tekur síðan endanlega ákvörðun um hverjar skulu bornar upp til samþykktar. Greiða skal atkvæði um tillögurnar og ákveður hver deild hvernig kosningu skal hagað. Ef fleiri konur eru bornar upp til samþykktar á sama fundi, skal greiða atkvæði um hverja fyrir sig. Við val félagskvenna og inntöku skal taka mið af handbók Delta Kappa Gamma, kaflanum um féлага og inntöku þeirra. Taka skal væntanlega félagskonu inn í deild eigi síðar en ári eftir að henni hefur verið boðin þátttaka í samtökunum. Hún telst ekki félagskona í deild fyrr en formleg inntaka hefur farið fram. Tilkynna skal nýja féлага til stjórnar landssambandsins, gjaldkera landssambandsins og féлага- og útbreiðslunefndar.
- D. Flutningur félagsréttinda**  
Félagskonum sem vegna breyttrar búsetu geta ekki sótt fundi í sinni deild er heimilt að sækja fundi annarra deilda. Félagskonum á ferðalagi og þeim sem dvelja fjarri heimili sínu er heimilt að sitja fundi annarra deilda, landssambanda eða svæðasambanda.
- Óski félagskona eða aukafélagskona að skipta um deild vegna breytinga á búsetu getur stjórn deildar hennar mælt með inntöku hennar í aðra deild. Í samráði við formenn viðkomandi deilda skal hún senda umsókn þess efnis til landssambandsins þar sem skýrt er hvers vegna hún óskar eftir að skipta um deild. Með umsókninni skal fylgja samþykki þeirrar deildar, sem sótt er um aðild að. Gjaldkeri þeirrar deildar sem félagskona flyst í tilkynnir flutning til gjaldkera landssambandsins og alþjóðasamtakanna. Einnig skal tilkynna féлага- og útbreiðslunefnd flutninginn.
- E. Missir félagsréttinda**  
Samkvæmt 3. grein E lið landssambandslaga missir félagskona félagsréttindi ef hún greiðir ekki tilskilin gjöld fyrir 31. október ár hvert. Ef félagskona hefur ekki greitt gjaldið fyrir tilskilinn tíma skal formaður deildar ræða við hana og hvetja hana til að greiða. Ef félagskona ákveður að ganga úr samtökunum skal úrsögn vera skrifleg. Tilkynna skal úrsögnina til landssambandsstjórnar, gjaldkera landssambandsins og féлага- og útbreiðslunefndar.
- F. Inntaka félagskvenna að nýju**  
Veita má fyrrverandi félagskonu inngöngu að nýju í þá deild sem hún óskar að gerast félagi í. Sótt er um skriflega til stjórnar viðkomandi deildar. Umsækjandi telst þar með fullgildur félagi og þarf ekki að fara aftur í gegnum inntökufarli. Tilkynna þarf landssambandsstjórn, féлага- og útbreiðslunefnd og alþjóðasamtökunum að félagskona hafi að nýju gengið í samtökin.

### 2. gr. (4. lagagrein) FJÁRMÁL

- A.** Skv. 4. gr. laganna, A. kafla, greiða félagskonur sérstakt árgjald fyrir hvert starfsár sem hefst 1. júlí og lýkur 30. júní ári síðar. Það skiptist svo:

1. Alþjóðasamband 40 dollarar frá virkum félagskonum og 20 dollarar frá aukafélögum.
2. Árgjald til landssambandsins er samkvæmt ákvörðun landssambandsþings.
3. Árgjald til deildar er samkvæmt ákvörðun aðalfundar í hverri deild.
4. Námsstyrkjagjald er 1 dollari og skiptist þannig: Alþjóðasambandið fær 1/5 og landssambandið 4/5.

**B. Inntökugjald** er 10 dollarar. Það skiptist þannig:

1. Deild 5,0 dollarar
2. Landssamband 2,5 dollarar
3. Alþjóðasamband 2,5 dollarar

4. Deildir geta kosið um að greiða gjald til viðbótar þeim gjöldum sem að ofan greinir til að styrkja ákveðin verkefni .

Gjaldkeri hvernar deildar sér um að innheimta árgjald. Hann skal í byrjun starfsárs upplýsa félagskonur hvernig gjaldið skiptist skv. A-lið reglugerðarinnar. Innheimtu gjalda skal vera lokið fyrir 31. október ár hvert. Gjaldkeri hvernar deildar greiðir hlut alþjóðasamtakanna og landssambands til gjaldkera landssambandsins fyrir 10. nóvember ár hvert. Formenn deilda bera ábyrgð á innheimtu árgjalds ásamt gjaldkera.

**E. Styrkir til fyrirlesara**

Landssambandsstjórn og stjórnir deilda geta veitt styrki til félagskvenna sem flytja erindi á þingum samtakanna erlendis og skulu settar reglur þar að lútandi.

### 3. grein (5. lagagrein)

#### SKIPULAG

#### Skipulag landssambands

Landssambandið skiptist í deildir. Framkvæmdaráð landssambandsins ákveður umdæmi deilda. Stjórn landssambandsins skal kynna formönnum deilda ákvörðun framkvæmdaráðs. Jafnframt skal stjórnin halda yfirlit yfir umdæmi allra deilda sambandsins svo og félagatal.

#### Stofnun nýrrar deildar

1. Landssambandsstjórn felur féлага- og útbreiðslunefnd, sbr. 6. grein reglugerðarinnar, að undirbúa stofnun deildar á grundvelli ákvörðunar framkvæmdaráðs um umdæmi deildarinnar. Alþjóðasamtökin leggja nýrri deild til stofnskrá. Deildin starfar skv. ákvæðum í lögum og reglugerð samtakanna á Íslandi og öðrum reglum sem deildin setur sér á grundvelli þeirra.
2. Landssambandsstjórn boðar til stofnfundar nýrrar deildar. Forseti landssambandsins og féлага- og útbreiðslunefnd sitja stofnfundinn. Forseti stjórnar fundi og inntöku stofnfélaga sem skulu vera minnst 12. Að lokinni inntöku taka félagskonur deildarinnar við stjórn fundarins og ákveða frekari störf deildarinnar í samræmi við lög, reglugerð og handbók landssambandsins.
3. Stjórn landssambandsins sér um að útvega nauðsynleg gögn fyrir deildina, þ.e.a.s. kynningarrit, lög og reglugerð, handbók og félagaskrá Delta Kappa Gamma á Íslandi.
4. Landssambandsstjórn sendir væntanlegum félagskonum boðsbréf samtakanna. Hún sér einnig um að útvega hverjum stofnfélaga eftirtalin gögn: Kynningarrit um samtökin, lög og reglugerð, félagatal eigin deildar, nælu samtakanna, skírteini frá alþjóðasamtökunum og félagsskírteini.

### 4. grein (6. lagagrein)

#### KOSNING OG KJÖRGENGI

#### Landssamband

1. Kjörgengir í embætti forseta landssambandsins eru fyrrverandi formenn deilda.
2. Allar félagskonur hafa kjörgengi í önnur embætti landssambandsins. Æskilegt er að embætti landssambandsins dreifist á deildir. Kosningar skulu vera leynilegar þegar fleiri en ein kona er í kjöri í embætti, að öðru leyti telst sjálfkjörið í það embætti. Meirihluti atkvæða þeirra sem skráðar eru á landssambandsþingið ræður kjöri.
3. Uppstillingarnefnd er kjörin á landssambandsþingi. Uppstillingarnefnd tilnefnir í laus embætti forseta, fyrsta varaforseta, annars varaforseta, ritara og meðstjórnanda og skilar tillögum til landssambandsstjórnar fyrir 15. febrúar á kosningarári.
4. Framkvæmdaráð velur gjaldkera til tveggja ára.
5. Forseta er heimilt að óska eftir samþykki framkvæmdaráðs um tilnefningu í nefndir.



6. Kjósa skal á landssambandsþingi tvo endurskoðendur til tveggja ára.

## Deild

1. Uppstillingarnefnd fyrir stjórn deildar skal kjörin á deildarfundi í síðasta lagi 3 mánuðum fyrir aðalfund. Hún skal skila tillögum til stjórnar eigi síðar en 2 mánuðum fyrir aðalfund.
2. Formaður skal kosinn sér. Kosning skal vera leynileg ef fleiri en ein kona er í kjöri, að öðru leyti telst sjálfkjörið í embættið. Sama á við um kjör annarra í stjórn. Meirihluti atkvæða þeirra sem sitja aðalfund ræður kjöri.

## 5. grein (7. lagagrein) FRAMKVÆMDARÁÐ

### Landssamband

Forseti kallar framkvæmdaráð landssambandsins saman til fundar a.m.k. einu sinni á ári. Framkvæmdaráð skal gera tillögur um þau mál sem leggja skal fram á landssambandsþingi. Heimilt er að afgreiða mál bréflaga, símleiðis eða með tölvupósti á milli funda. Landssambandsstjórn annast framkvæmd á samþykktum landssambandsþings og framkvæmdaráðs.

## 6. grein (8. lagagrein) NEFNDIR

### A. Störf fastanefnda

1. Hverja nefnd skipa a.m.k. þrjár félagskonur tilnefndar af stjórn landssambandsins. Landssambandsforseti skipar formann en að öðru leyti skipta nefndirnar með sér verkum. Uppstillingarnefnd er þó kosin á landssambandsþingi. Æskilegt er að ekki sé öllum nefndarkonum skipt út í einu og að nefndarstörf dreifist eðlilega á deildir. Æskilegt er að hafa tengilið í þeim deildum sem ekki eiga fulltrúa í nefnd og er það í höndum viðkomandi nefndar að leita eftir slíku til landssambandsstjórnar og deilda.
2. Ef nefnd gerir ráð fyrir útgjöldum vegna starfsemi sinnar skal hún gera fjárhagsáætlun og leggja hana fyrir landssambandsstjórn sem tekur afstöðu til hennar og getur tekið hana inn í fjárhagsáætlun landssambandsins. Reikningar nefnda, sem skulu vera í samræmi við samþykktu fjárhagsáætlun landssambandsins, skulu lagðir fyrir landssambandsstjórn til afgreiðslu.
2. Formenn fastanefnda senda landssambandsstjórn skýrslur um störf nefndanna fyrir landssambandsþing. Ef þess er krafist senda þeir einnig skýrslur til höfuðstöðva samtakanna á þar til gerðum eyðublöðum.
3. Nefndir viðhalda upplýsingum á vefsíðu landssambandsins.

### B. Skipan og hlutverk fastanefnda

#### 1. Laganefnd

- a) Forseti landssambandsins skipar, í samráði við landssambandsstjórn og formenn deilda, þrjár félagskonur í laganefnd til tveggja ára, þar af eina sem formann. Lögsögumaður landssambandsins er ráðgefandi fyrir nefndina og starfar með henni að túlkun á lögum alþjóðasamtakanna.
- b) Laganefnd endurskoðar lög og reglugerð landssambandsins í ljósi breytinga sem gerðar eru á lögum alþjóðasamtakanna og gætir þess að laga- og reglugerðarbreytingar brjóti ekki í bága við lög alþjóðasamtakanna.
- c) Laganefnd annast þýðingu landssambandslaga ef eftir henni er kallað.
- d) Laganefnd skal hafa eftirlit með að samræmi sé milli laga, reglugerðar og handbókar.
- e) Öllum félagskonum er heimilt að gera tillögur um breytingar á reglugerð. Þær skulu sendar til laganefndar a.m.k. 90 dögum fyrir landssambandsþing. Laganefnd fjallar um þær, kannar hvort lagalegar forsendur eru fyrir tillögunum, mótar þær og sendir stjórn landssambandsins a.m.k. 60 dögum fyrir landssambandsþing. Forseti sendir síðan tillögurnar með dagskrá landssambandsþings. Tillagan telst samþykkt hljóti hún 2/3 hluta atkvæða skráðra þátttakenda á þinginu.
- f) Öllum félagskonum er heimilt að gera tillögur um breytingar á lögum og reglum alþjóðasamtakanna. Senda skal laganefnd allar tillögur. Hún gerir tillögur til stjórnar um þær lagabreytingar er hún mælir með. Forseti landssambandsins sendir tillögurnar til alþjóðasamtakanna.

#### 2. Félag- og útbreiðslunefnd

- a) Landssambandsforseti skipar þrjár félagskonur í nefndina til tveggja ára í samráði við landssambandsstjórn og formenn deilda, þar af eina sem formann. Nefndin skiptir með sér verkum að öðru leyti.

- b) Nefndin hefur umsjón með uppfærslu handbókar í samvinnu við laganefnd og landssambandsstjórn.
- c) Nefndin vinnur ásamt stjórn landssambandsins að undirbúningi að stofnun deilda, sbr. 3. gr. reglugerðarinnar.
- d) Nefndin heldur utan um félagatal landssambandsins og safnar upplýsingum frá deildum um nýjar félagskonur, látnar félagskonur og þær sem segja sig úr samtökunum.
- e) Nefndin ber ábyrgð á að senda skýrslu um látnar félagskonur til alþjóðasamtakanna og landssambandsstjórnar.
- f) Nefndin sendir upplýsingar til höfuðstöðva um þær félagskonur sem ljúka doktorsprófi.
- g) Nefndin er ráðgefandi um heiðursfélaga.

### 3. Menntamálanefnd

- a) Landssambandsforseti skipar þriggja manna menntamálanefnd til tveggja ára í samráði við landssambandsstjórn og formenn deilda, þar af eina sem formann.
- b) Nefndin fjallar um verkefni sem snerta fræðslu- og menntamál, þ.m.t. löggjöf á sviði menntamála og gerir tillögur um sameiginleg viðfangsefni.
- c) Nefndin skal annast miðlun gagna og fræðsluefnis til deilda.
- d) Nefndin sér um faglega dagskrá þinga og aðra faglega viðburði í samvinnu við landssambandsstjórn
- e) Nefndin skal undirbúa leiðtoganámskeið með landssambandsstjórn.

### 4. Samskipta- og útgáfunefnd

- a) Landssambandsforseti skipar þrjár félagskonur í nefndina til tveggja ára í samráði við landssambandsstjórn og formenn deilda, þar af eina sem formann. Nefndin skiptir með sér verkum að öðru leyti.
- b) Nefndin vinnur með vefstjóra og landssambandsstjórn að því að viðhalda upplýsingum á vef.
- 5. Nefndin annast útgáfu og dreifingu á fréttablaði landssambandsins og útgáfu á öðru efni sem landssambandsstjórn felur henni.
- d) Nefndin heldur til haga lista yfir efni útgefið af landssambandinu.
- e) Nefndin sér um að efla tengsl milli félagskvenna, deilda og landssambands.
- f) Nefndin hvetur til samskipta við utanaðkomandi hópa og gerir tillögur að leiðum til að kynna samtökin.

### 5. Námsstyrkjanevnd

- a) Landssambandsforseti skipar þrjár félagskonur í námsstyrkjanevnd til tveggja ára í samráði við landssambandsstjórn og formenn deilda, þar af eina sem formann.
- b) Nefndin hefur samvinnu við námsstyrkjanevndir alþjóðasamtakanna, jafnframt því sem hún vinnur innanlands að því að efla áhuga félagskvenna á styrkveitingum.
- c) Nefndin fylgist með því hvaða námsstyrkir standa til boða, sendir upplýsingar þar að lútandi til deilda og viðheldur upplýsingum á vefsíðu landssambandsins.
- d) Nefndin fer yfir umsóknir í námsstyrkjasjóð og gerir tillögur að úthlutun til landssambandsstjórnar.

### 6. Uppstillingarnefnd

- a) Uppstillingarnefnd skipa þrjár félagskonur kosnar á landssambandsþingi til tveggja ára, þar af er ein kosin sem formaður.
- b) Nefndin gerir tillögur um frambjóðendur til landssambandsstjórnar, uppstillingarnefndar og endurskoðunar reikninga.
- c) Uppstillingarnefnd skal senda bréf til allra deilda með ósk um tilnefningar í embætti eigi síðar en 1. desember fyrir kosningarár. Tilnefningar skulu berast uppstillingarnefnd fyrir lok janúar. Tilnefningum skulu fylgja skriflegar upplýsingar um starfsferil frambjóðenda og störf í þágu samtakanna. Uppstillingarnefnd skal vinna úr tilnefningum til embætta sem henni berast frá deildum og leggja fyrir stjórnina skrá yfir frambjóðendur sem stjórnin sendir út með fundarboði til landssambandsþings.

### C. Vinnunefndir

Landssambandsstjórn er heimilt að stofna vinnunefndir til að sinna ýmsum sérstökum verkefnum á starfstíma stjórnarinnar. Stjórnin ákveður sjálf hverjir sitja í nefndunum og hversu lengi þær starfa, en þær geta þó ekki starfað lengur en starfstímabil stjórnarinnar.

### D. Alþjóðanefndir

1. Landssambandsstjórn leitar eftir tilnefningum eða framboðum frá félagskonum í fastanefndir eða embætti á vegum alþjóðasamtakanna, tekur afstöðu til þeirra og sendir upplýsingar um þær sem verða fyrir valinu til alþjóðasamtakanna.

2. Landssambandsstjórn tilnefni félagskonu í European Forum og nefndir sem stofnað er til af Evrópusamtökunum í samræmi við reglur sem gilda um aðrar nefndir og embætti.
3. Fulltrúar í nefndum á vegum alþjóðasamtakanna og Evrópusvæðisins skulu skila skýrslum til stjórnar landssambandsins og upplýsa félagskonur almennt um störf sín, og sérstaklega það sem snertir starfið hér á landi.

## **7. grein (9. lagagrein)** **ÞING OG FUNDIR**

### **A. Landssamband**

1. Halda skal landssambandsþing á vormánuðum á hverju oddatöluári þar sem fram fara m.a. aðalfundarstörf skv. 3. lið. Fundarstaður og fundartími skal ákveðinn af stjórn landssambandsins. Heimilt er einnig að halda aukaping á milli lögbundinna þinga telji framkvæmdarad ástæðu til.
2. Ákvörðun um stað og tíma landssambandsþings og aukapinga skal tilkynna deildum með a.m.k. þriggja mánaða fyrirvara. Landssambandsþing skal boða skriflega með minnst mánaðar fyrirvara. Með fundarboði skal fylgja dagskrá þingsins og fundargögn s.s. tillaga uppstillingarnefndar um frambjóðendur í embætti, bráðabirgða reikningsskil, fjárhagsáætlun og tillögur um laga- og reglugerðarbreytingar. Aukaping skal boða skriflega með minnst tveggja vikna fyrirvara.
3. Á dagskrá aðalfundar á landssambandsþingi þurfa m.a. að vera eftirtalin atriði:
  - a) Kosning fundarstjóra
  - b) Kosning tveggja fundarritara
  - c) Skýrsla stjórnar – umræður
  - d) Reikningar lagðir fram – umræður
  - e) Árgjald ákveðið
  - f) Fjárhagsáætlun lögð fram – umræður
  - g) Kosning forseta landssambands
  - h) Kosning annarra stjórnarmanna landssambands
  - i) Kosning í uppstillingarnefnd
  - j) Kosning tveggja endurskoðenda
  - k) Lagabreytingar og reglugerðarbreytingar
  - l) Ályktanir og tillögur sem berast til landssambandsþings
  - m) Önnur mál

Á þinginu ræður meirihluti greiddra atkvæða skráðra þátttakenda.

4. Stjórn landssambandsins skal halda fundi a.m.k. tvisvar á ári. Forseti boðar til fundar. Heimilt er að afgreiða mál bréflega, símleidis eða með tölvupósti á milli funda.

### **B. Deildir**

1. Deild skal halda reglulega fundi eigi sjaldnar en fjórum sinnum á ári. Við kosningu og afgreiðslu mála ræður einfaldur meirihluti viðstaddra fundarmanna, sbr. 4. gr. reglugerðar þessarar 2. tölulið.
2. Stjórn deildar skal halda minnst fjóra fundi á ári.
3. Formaður skal senda forseta landssambandsins skýrslu um störf deildar síðastliðin tvö starfsár mánuði fyrir landssambandsþing.

## **8. grein (11. lagagrein)** **FÉLAGSSLIT**

Um framkvæmd félagsslita er vísað í lög og handbók landssambandsins.

## **9. grein (12. lagagrein)** **REGLUGERÐ**

1. Tillögur að reglugerð og reglugerðarbreytingum skal senda laganefnd til athugunar a.m.k. 90 dögum f. landsambandsþing og gerir hún tillögur til landssambandsstjórnar a.m.k. 60 dögum fyrir landssambandsþing.
2. Landssambandsþing tekur ákvarðanir um breytingar á reglugerð. Við afgreiðslu á landssambandsþingi þurfa reglugerðartillögur að hljóta 2/3 greiddra atkvæða þeirra sem skráðar eru á landssambandsþingið.